



趙城縣廣勝寺

佛說逝童子經

敢

西晉沙門支法度譯

聞如是一時佛在羅閱祇者閻崛山中平旦從諸比丘被袈裟持應器入城分衛佛行向富迦羅越門富迦羅越有子年十六名曰逝時在第三門內遙見佛來身有奇相貌端正心意安靜諸根寂寞項中光出影耀殊絕炎明熾盛若日之淨月盛滿時悉照門內逝見佛如是心中歡喜肅然而敬便驚上堂為母說偈言

金光色百餘希此所見聞今來住在外當給其所未威儀過梵王光顏殊諸天哀我故來耳願以持與之

其母聞逝言即告曰如汝所稱者其人豈貧窮何為當乞兒耶一何惑哉今所言者殊不合義尔時佛便以神足現化放身光明徹照七重門內盡為大明逝感佛威神復為母說偈言

願取用與我欲以奉上尊此歡難常值其母即以所有好衣及食具與逝逝持出詣佛所以頭面著地為佛作礼却住一面叉手白佛言今我見如來虔心恭敬注意於佛惟以加哀受已所施佛應時受之為逝說偈言汝以伏慳意能善修治施今日供養佛所念莫不吉逝聞佛所語即自說偈言我不願富貴亦弗望釋梵但願寂智慧如佛而無上尔時天帝釋下立逝前說偈言財用一布施欲求佛者難道常世世施積若須彌寶經歷千億劫恒行慈愛心不可以一施得覺无上道逝即答天帝釋偈言

譬如大工匠欲伐巨木者猶不一下斧便以斷大樹斧斫稍以漸可盡太山木剝業從微得求道亦如是明不用一施而得成大道我有信精進必為世間將天帝釋復為逝說偈言不如求尊天釋梵易可得助能應佛法佛道甚難得

逝者天帝釋說偈言

逝者天帝釋說偈言

設使一天下滿中火洞然吾以身遍投
終不捨佛意假令一切人皆共賊害我
願常慈心向終不廢大道脆哉釋梵天
彼皆為死法願歸一切智勇若師子雄
天帝釋復為逝說一偈言

快哉得善利乃有敬在佛專精向大道
想汝必作佛

逝者天帝釋說偈言

天王且勿疑於斯無上道精進吾匪懈
會於世為佛

於是天帝釋默然時佛為逝說偈言
汝已於往世敬事八千佛心常願大道
欲得安群生後十二億劫終不墮惡道
但多修德善恒以興尊意汝當百億返
作王遶迦越亦為四天王每輒行正法
又當為帝釋未常遠梵行後生兜術天
然則道德成當居千國界中央得作佛
名曰須弥劫一切莫不事千國各橫廣
四百八十里宮牆之嚴飾一切皆以寶
初會說法時六十千億人為弟子得度
皆得阿羅漢再會說經時四十千億人
皆入羅漢慧所度為甚眾三會說經時

逝童子經 第四張 敬字

所度甚眾多離垢入淨慧悉得無所著
是時佛剎中无有乱惡眾皆悉向道法
一切行忠直疾病之憂苦都已無是鬼
時人皆和睦展轉相念安天日三時雨
裁足掩土塵寒暑常調適度人若干種
族姓之男女若欲興善意敬愛於佛者
供養當如此吾今敷演是菩薩所當行
面於正覺前即得佛慧眼諸佛無有數
經法不可盡若以無數敬福報亦無量
佛說是決已迦羅越子逝天帝釋及
諸比丘聞經歡喜皆前為佛作礼而去

逝童子經

佛說逝童子經

校勘記

一 底本，金藏廣勝寺本。

一 一〇六頁中一行經名，石作「佛說逝童子經一卷」，卷末經名同。

一 一〇六頁中二行末字「譯」，晉、南、經作「第四譯」。

一 一〇六頁中八行第七字「項」，石作「頂」。

一 一〇六頁中八行「殊絕」，資、磧、晉、南、經、清作「絕殊」。

一 一〇六頁中一行「敬便驚」，石作「驚便趨」；資、磧、晉、南、經、清作「驚便趣」；麗作「敬便趨」。

一 一〇六頁中一二行「希此」，資、磧、晉、南、經、清作「此希」。

一 一〇六頁下五行首字「虔」，資、磧、晉、南、經、清作「虛」。

一 一〇六頁下一六行第七字「偈」，諸本作「說偈」。

一 一〇六頁下一七行第一一字「猶」，

資、磧、晉、南、徑、清作「獲」。

一〇六頁下一八行第一三字「太」

磧、晉、南、徑、清作「大」。

一〇六頁下一九行首字「剥」，資、

磧、晉、南、徑、清作「行」。

一〇七頁上一七行第七字「常」，

資、磧、晉、南、徑、清作「嘗」。

一〇七頁上一七行第一四字「術」，

徑、清作「率」。

一〇七頁上二二行第九字及末行

第一四字「經」，資、磧、晉、南、徑、

清作「法」。

一〇七頁中三行末字「鬼」，資、

磧、晉、南、徑、清作「死」。

一〇七頁中五行「裁足掩」，晉、

南、徑、清作「裁已淹」；麗作「纔

足掩」。

一〇七頁中末行經名，晉、南、徑、

清作「佛說逝童子經」。